

Na osnovu člana 66. Pravilnika o računovodstvu sa računovodstvenim politikama i procedurama za korisnike Budžeta institucija Bosne i Hercegovine i Akcionog plana procesa i aktivnosti za primjenu IPSAS standarda za institucije Bosne i Hercegovine, Ministar finansija i trezora Bosne i Hercegovine donosi

UPUTSTVO

O PRIMJENI KONTNOG OKVIRA SA KLASIFIKACIJAMA POJEDINAČNIH SEGMENTA RAČUNOVODSTVENOG FLEKS POLJA BUDŽETSKO-RAČUNOVODSTVENE KLASIFIKACIJE

I OPĆE ODREDBE

Član 1.

- (1) Ovim uputstvom daju se smjernice za primjenu Pravilnika o računovodstvu sa računovodstvenim politikama i procedurama za korisnike Budžeta institucija Bosne i Hercegovine i međunarodnih obaveza Bosne i Hercegovine.
- (2) Uputstvom iz stava (1) ovog člana definiše se i razjašnjavaju budžetsko -računovodstvene klasifikacije koje se primjenjuju kod planiranja i izvršenja Budžeta institucija Bosne i Hercegovine i međunarodnih obaveza Bosne i Hercegovine.

II VRSTE, SADRŽAJ I PRIMJENA BUDŽETSKIH KLASIFIKACIJA

Član 2.

- (1) Budžetsko-računovodstvene klasifikacije su sljedeće:
- a) subjekat,
 - b) organizacija,
 - c) ekonomski kod,
 - d) subanalitički kod,
 - e) fond,
 - f) funkcija,
 - g) projekat,
 - h) program

(2) Klasifikacije iz stava (1) ovog člana odnosno segmenti u različitim kombinacijama, predstavljaju računovodstveno fleks polje po kojem se evidentiraju sve računovodstvene transakcije putem kojih se izvršava Budžet institucija Bosne i Hercegovine i međunarodnih obaveza Bosne i Hercegovine i evidentiraju sve transakcije za njegovo izvršenje.

(3) Fleks polje čine 43 znaka grupisana u 10 segmenata prema sljedećem rasporedu:

- | | |
|-------------------------------------|-----------|
| a) subjekt – institucije BiH kod | 1 znak |
| b) organizacijski kod | 8 znakova |
| c) ekonomski kod | 6 znakova |
| d) podekonomske (subanalitički) kod | 6 znakova |
| e) fondovski kod | 2 znaka |
| f) funkcionalni kod | 4 znaka |
| g) projektni kod | 7 znakova |
| h) programski kod | 7 znakova |
| i) rezervni kod | 1 znak |
| j) rezervni kod | 1 znak |

Član 3.

Subjekt-klasifikacija predstavlja institucije Bosne i Hercegovine.

Član 4.

Organizacija - Klasifikacija koju Ministarstvo finansija i trezora Bosne i Hercegovine dodjeljuje svakoj instituciji Bosne i Hercegovine pojedinačno i koja je nosilac finansijske odgovornosti za planiranje i izvršenje Budžeta institucija Bosne i Hercegovine i međunarodnih obaveza Bosne i Hercegovine.

Član 5.

Ekonomski kod, ekonomska klasifikacija je propisana analitičkim kontnim planom (sadržaj transakcije) i predstavlja klasifikaciju po kojoj institucije Bosne i Hercegovine iskazuju imovinu, obaveze, izvore, prihode i primitke, rashode i izdatke.

Član 6.

Subanalitički kod - podekonomske kod koji na detaljniji način razrađuje sadržaj ekonomskog koda.

Član 7.

- (1) Fond – fiskalni i računovodstveni subjekt sa samobilansirajućom serijom računa na kojima se evidentiraju novčana sredstva i drugi finansijski izvori, uključujući i sve obaveze koje se na njih odnose kao i odgovarajuća salda i izmjene na njima, koji su

izdvojeni u svrhu obavljanja posebnih djelatnosti ili ispunjavanja određenih ciljeva utvrđenih posebnim propisima ili ograničenjima.

- (2) Računovodstveni fond nema svojstvo pravne osobe.
 - (3) Evidencija računovodstvenog fonda se označava:
 - a) 10 - Opći fond;
 - b) 20 - Fond prihoda po posebnim propisima;
 - c) 30 - Fond grantova i potpora;
 - d) 40 - Fond sredstava kredita;
 - e) 50 - Fond za posebne projekte;
-
- a) Opći fond predstavlja budžetska sredstva i koristi se za iskazivanje svih sredstava i svih aktivnosti budžetskih korisnika, osim onih koji se prema posebnim propisima i aktima, odnosno namjeni izdvojenih sredstava iskazuju na drugim fondovima.
 - b) Fond prihoda po posebnim propisima koristi se za evidentiranje namjenskih sredstava koja se koriste samo u posebne svrhe i svih aktivnosti koje se financiraju iz tih sredstava, kao npr. vlastiti prihodi budžetskih korisnika kojima je posebnim propisima dato pravo da slobodno njima raspolazu, a koji nisu uključeni u opći fond.
 - c) Fond grantova i potpora koristi se za evidentiranje grantova budžetskih korisnika i svih aktivnosti koje se financiraju iz tih sredstava, a koji nisu uključeni u opći fond.
 - d) Fond sredstava kredita koristi se za evidentiranje kreditnih sredstava i svih aktivnosti koje se financiraju iz tih sredstava, a koje nisu uključene u opći fond.
 - e) Fond za posebne projekte koristi se za evidentiranje sredstava namijenjenih posebnim projektima i svih aktivnosti na realizaciji posebnih projekata koji nisu uključeni u opći fond.

Član 7.

- (1) Funkcija predstavlja COFOG klasifikaciju po kojoj institucije Bosne i Hercegovine razvrstavaju rashode.
- (2) Klasifikacija vladinih funkcija (COFOG-Classification of the Functions of the Government) objavljena je od strane Odjeljenja za statistiku Ujedinjenih nacija (u daljem tekstu: funkcionalna klasifikacija).
- (3) Odjeljci se označavaju sa dvije cifre i predstavljaju opće ciljeve vlade (pojam vlade se ovdje koristi u najširem smislu i obuhvaća javnu upravu kao cjelinu), dok grupe i klase pružaju informacije o načinu ostvarivanja tih opsežnih ciljeva, a označavaju se sa tri, odnosno četiri cifre.
- (4) Odjeljci funkcionalne klasifikacije su:
 - 01 — Opće javne usluge,
 - 02 — Odbrana,
 - 03 — Javni red i sigurnost,
 - 04 — Ekonomski poslovi,
 - 05 — Zaštita životne sredine,
 - 06 — Stambeni i zajednički poslovi,

- 07 — Zdravstvo,
 - 08 — Rekreacija, kultura i religija,
 - 09 — Obrazovanje,
 - 10 — Socijalna zaštita.
- (5) Funkcionalna klasifikacija se primjenjuje na rashode i neto nabavku kapitalnih (nefinansijskih) sredstava.
 - (6) Budžetski korisnici klasifikuju rashode (klasa 6 ekonomske klasifikacije) i izdatke za kapitalnu imovinu (klasa 8 ekonomske klasifikacije) prema propisanoj analitičkoj funkcionalnoj klasifikaciji.
 - (7) Analitička klasifikacija vladinih funkcija data je u Prilogu ovog uputstva i čini njegov sastavni dio.

Član 8.

Program podrazumijeva grupisanje sličnih aktivnosti ili usluga koje obavlja institucija BiH u određenom vremenskom roku kako bi postigao svoje strateške ciljeve.

Član 9.


- (1) Projekat je sastavni dio programa za koji je unaprijed utvrđeno vrijeme trajanja i za koji se planiraju rashodi i izdaci.
- (2) Na nivou projekta postavlja se budžetska kontrola.
- (3) Sve transakcije rashoda trebaju imati popunjeno polje Projekat/Programska aktivnost.
- (4) Ako se projekat finansira iz fonda „30“- donatorska sredstva, budžetska kontrola se postavlja u iznosu uplaćenih donatorskih sredstava.
- (5) Projekti iz stava (4) ovog člana imaju otvorene namjenske bankovne račune i šifre tih projekata počinju sa „P“. Raspoloživa sredstva u Budžetu usaglašavaju se sa stanjem novčanih sredstava na računu.
- (6) Ako se neki projekat finansira iz fonda „20“ potrebno je da je donesena odluka Vijeća ministara Bosne i Hercegovine i postavlja se budžetska kontrola u iznosu sredstava u skladu sa odlukom Vijeća ministara Bosne i Hercegovine.
- (7) Projekti iz stava (6) ovog člana imaju otvorene namjenske bankovne račune i šifre tih projekata počinju sa „N“. Raspoloživa sredstva u Budžetu usaglašavaju se sa stanjem novčanih sredstava na računu.
- (8) Ako se neki projekat finansira iz opšteg fonda „10“ potrebno je da je donesena odluka Vijeća ministara Bosne i Hercegovine i postavlja se budžetska kontrola u iznosu sredstava u skladu sa odlukom Vijeća ministara Bosne i Hercegovine.
- (9) Šifre projekata iz stava (8) ovog člana otvaraju se na način da šifre za višegodišnje projekte počinju sa slovom „V“, šifre za projekte koji se implementiraju tokom tekuće fiskalne godine počinju slovom „F“, šifre za namjenska sredstva odobrena iz Tekuće rezerve počinju sa slovom „R“.
- (10) Do stavljanja u produkciju novog PIMIS sistema projekti će se i u BMIS sistemu voditi pod postojećim otvorenim šiframa u ISFU sistemu s tim da će se u naziv projekta dodati šifra iz PIMIS sistema.

- (11) Nakon stavljanja u produkciju novog PIMIS sistema odredit će se nove šifre aktivnih projekata u tom trenutku u ISFU sistemu i izvršiti preknjižavanje raspoloživih sredstava u ISFU sistemu na nove šifre a u PIMIS sistemu će se ažurirati polje „šifra projekta u ISFU“.
- (12) Razmjenom podataka ISFU-BMIS bit će ažurirani projekti u BMIS sistemu.
- (13) Određjivanje novih šifri projekata za aktivne projekte izvršit će se u skladu sa koracima 1-9.
- (14) Nakon stavljanja u produkciju novog PIMIS sistema šifre novih projekata za projekte koji se dijelom ili u cijelosti finansiraju iz budžeta odnosno preko JRT-a otvarat će se na sljedeći način:
- a) Zahtjev za otvaranje šifre projekta koji se djelimično ili u cjelosti finansira iz budžeta odnosno preko jedinskog računa trezora (JRT-a), budžetski korisnici dostavljaju Sektoru za koordinaciju međunarodne ekonomske pomoći.
 - b) Zahtjev za otvaranje projekta u ISFU sistemu Sektor za koordinaciju dostavlja Sektoru za trezor
 - c) Sektor za trezor nakon otvaranja šifre projekta u skladu sa koracima 1-9 obavještava Sektor za koordinaciju o otvorenoj šifri projekta
 - d) Sektor za koordinaciju ažurira u PIMIS sistemu polje „Sifra projekta u ISFU“
- (15) Razmjenom podataka između ISFU i BMIS sistema ažurira se BMIS sistem

Član 10.

Ovo uputstvo čini sastavni dio Pravilnika o računovodstvu sa računovodstvenim politikama I procedurama za korisnike Budžeta institucija Bosne i Hercegovine.

Broj: 08-02-2-97- 4 /25
Sarajevo, 26. 12. 2025. godine



MINISTAR

Dr Srdan Amidžić